

MEĐUNARODNA KONFEDERACIJA SINDIKATA

G-din Fadil Novalić
Premijer
Federacija Bosne i Hercegovine
Alipašina 41
BiH 71000 Sarajevo

E-mailom: premijer@vladafbih.gov.ba

PERC/SEE/ES

Poštovani premijeru,

Mi, Međunarodna konfederacija sindikata (MKS), najveća globalna sindikalna organizacija koja predstavlja 180 miliona radnika u 162 države i teritorije i ima 333 nacionalnih članica, uključujući i sindikate u Bosni i Hercegovini, obraćamo se Vama već drugi put u samo nekoliko mjeseci.

Iskoristili bismo ovu priliku i izrazili našu zabrinutost u vezi sa najnovijim informacijama koje smo dobili od naše članice iz Bosne i Hercegovine, a tiče se pitanja registracije sindikata. Ovaj put, riječ je o brisanju jedne od organizacija, sastavnog dijela naše članice, iz Registra, čime se krši Konvencija Međunarodne organizacije rada br. 87, a koju je Bosna i Hercegovina ratifikovala.

Savez samostalnih sindikata Bosne i Hercegovine (SSSBiH) nas je obavijestio da je Vlada FBiH na 53. sjednici, održanoj 13. maja 2016., usvojila Rješenje o oglašavanju ništavnim rješenja broj: 06-05-218/2016 od 13.05.2016. godine, kojim se rješenja Federalnog ministarstva pravde o upisu i o promjeni upisa u Registar udruženja FBiH Sindikata osnovnog obrazovanja i odgoja Federacije BiH oglašavaju ništavim i kojim se nalaže Federalnom ministarstvu pravde da donese Rješenje o brisanju iz Registra udruženja Samostalnog sindikata osnovnog obrazovanja i odgoja Federacije BiH.

Pitanje registracije sindikata u Bosni i Hercegovini razmatrano je 2002. godine od strane MOR Komiteta za slobodu udruživanja, te 2006. godine od strane MOR Komiteta za primjenu standarda. Tom prilikom je Komitet izrazio svoju zabrinutost u vezi sa registracijom sindikalnih organizacija i preporučio državi Bosni i Hercegovini da uskladi pravne normative i praksu vezanu za pitanje registracije sindikata u skladu sa MOR Konvencijom 87.

Odluka Vlade FBiH predstavlja flagrantno kršenje slobode udruživanja. Predstavlja direktno miješanje u rad sindikata s cilje eliminisanja SSOOiO FBiH, koji predstavlja 11.000 članova, iz kolektivnog pregovaranja, pri tome favorizirajući drugi sindikat.

U ime MKS Vas pozivam, gospodine premijeru, da povučete odluku od 13. maja i osigurate da se sindikalna prava – na slobodu udruživanja i kolektivno pregovaranje – u potpunosti poštuju u Federaciji Bosne i Hercegovine u skladu sa obavezama, a proisteklim iz

MOR Konvencije 87. Nećemo oklijevati da informišemo međunarodne i evropske institucije o ovoj zabrinjavajućoj situaciji i spremni smo podržati svaku žalbu koju se naša članica odluči predati Komitetu za slobodu udruživanja, ukoliko se u vašoj zemlji nastavi sa kršenjem sindikalnih prava.

Iskreno Vaša,

Sharan Burrow
Generalni sekretar

Cc: - SSSBiH